

**Fomento do emprendemento
en economía social
(APROL - economía social)**



Subvencions 2017

XUNTA DE GALICIA

2

NORMAS XERAISE E CONVOCATORIA

4

PROGRAMA I - FOMENTO DO EMPREGO EN COOPERATIVAS E SOCIEDADES LABORAIS

7

PROGRAMA II: FOMENTO DO ACCESO Á CONDICIÓ DE PERSOA SOCIA

10

PROGRAMA III: IMPULSO DE PROXECTOS EMPRESARIAIS COLECTIVOS

12

PROGRAMA IV: INTERCOOPERACIÓN E INTEGRACIÓN EMPRESARIAL

IMPORTANTE:

A información que se ofrece neste documento é un resumo que non substitúe a orde de bases reguladoras.

Antes de presentar a solicitude de subvención debe consultar a orde na súa versión íntegra.

NORMAS XERAIS E CONVOCATORIA

NORMATIVA REGULADORA

Orde do 26 de xaneiro de 2017 pola que se establecen as bases reguladoras das subvencións para o fomento do emprendemento en economía social (Programa Aprod-economía social), cofinanciadas parcialmente con cargo ao Programa operativo do Fondo Social Europeo, e se convocan para o ano 2017 (DOG núm. 33, do 16 de febreiro de 2017).

FINALIDADE

- Fomentar a incorporación de persoas desempregadas e persoas traballadoras temporais a cooperativas e sociedades laborais
- Apoiar o desenvolvemento de proxectos de emprendemento colectivo en empresas de economía social.

BENEFICIARIAS

Poderanse acoller a estas subvencións, sempre que cumpran as condicións xerais e os requisitos establecidos no correspondente programa:

- a) As cooperativas e sociedades laborais para os programas I, III e IV.
- b) As persoas desempregadas, socias ou traballadoras de cooperativas ou sociedades laborais ou doutras empresas que se transformen nestas, para o programa II.

PRESENTACIÓN DE SOLICITUDES

As solicitudes deberán presentarse por separado para cada un dos programas, nos modelos de solicitude que figuran como anexos á orde, xunto coa documentación citada nela.

Para os procedementos dos programas I, III e IV (TR802G, TR807D, TR807F) as solicitudes presentaranse obrigatoriamente por medios electrónicos a través do formulario normalizado dispoñible na sede electrónica da Xunta de Galicia, <https://sede.xunta.gal>.

Para o programa II (TR802J) as solicitudes presentaranse preferiblemente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.es>.

Opcionalmente, para o programa II tamén se poderán presentar as solicitudes en soporte papel en calquera dos lugares e rexistros establecidos no artigo 16.4 da Lei 39/2015, do 1 de outubro, utilizando o formulario normalizado dispoñible na sede electrónica da Xunta de Galicia. Os formularios de solicitude tamén poderán ser obtidos, cubertos e validados pola persoa ou entidade solicitante a través da aplicación informática á cal se poderá acceder igualmente a través da web <http://emprego.ceei.xunta.gal>.

PRAZO DE PRESENTACIÓN

Un mes a partir do día seguinte ao da publicación da orde no DOG.

TRAMITACIÓN E RESOLUCIÓN

Para os programas I e II: xefatura territorial da Consellería de Economía, Emprego e Industria competente por razón do territorio.

Para os programas III e IV: Secretaría Xeral de Emprego.

PERÍODO DE EXECUCIÓN

Desde o 28.08.2016 ata o 16.11.2017.

O gasto subvencionable será o efectivamente pagado no dito período.

XUSTIFICACIÓN

As persoas ou entidades beneficiarias deberán presentar a xustificación conforme a resolución de concesión e solicitar os correspondentes pagamentos mediante solicitude conforme o modelo do anexo VII, X, XII ou XV, en función do programa que se trate.

A data máxima de xustificación das accións subvencionadas será o 16.11.2017.

NOVIDADE:

Para os programas I, III e IV as solicitudes deben presentarse electronicamente a través de <https://sede.xunta.gal>.

Para o programa II, a presentación telemática é opcional

PROGRAMA I - FOMENTO DO EMPREGO EN COOPERATIVAS E SOCIEDADES LABORAIS

FINALIDADE

Fomento da incorporación de persoas socias traballadoras ou de traballo de cooperativas ou sociedades laborais.

BENEFICIARIAS. REQUISITOS

1. Poderán acollerse a estes incentivos as cooperativas e sociedades laborais que incorporen persoas socias traballadoras ou de traballo, en centros de traballo situados na Comunidade Autónoma de Galicia.

a) se a incorporación é de carácter indefinido, as persoas incorporadas han de ser:

- persoas desempregadas inscritas como demandantes de emprego,
- persoas vinculadas á cooperativa ou sociedade laboral por un contrato de traballo temporal,
- ou ben persoas socias a proba da cooperativa á que se incorporan.

Neste caso, a incorporación deberá supor incremento do emprego fixo e do número de persoas socias traballadoras ou de traballo da cooperativa ou sociedade laboral, respecto á media dos últimos doce meses.

b) se a incorporación é como persoa socia a proba, esta debe ser unha persoa menor de 30 anos, inscrita como demandante de emprego.

2. A incorporación poderá ser a xornada completa ou a tempo parcial. Neste caso, deberá comprender como mínimo o 50 % da xornada ordinaria.

3. Non poderá concederse esta subvención cando se trate da incorporación de:

- persoas socias traballadoras ou de traballo que tiveron tal condición na mesma cooperativa ou sociedade laboral, nos dous anos anteriores á súa incorporación (agás cando fose en situación de proba).
- persoas polas cales se obtiveron subvencións, nos últimos cinco anos, para a incorporación como persoas socias, para a contratación de directores/as ou xerentes/as ou para apoio ás entidades que presten servizos de natureza social e á comunidade.

4. As cooperativas e as sociedades laborais deberán acreditar o cumprimento dos topes máximos de traballadores ou traballadoras por conta allea da Lei 5/1998, do 18 de decembro, de cooperativas de Galicia, e da Lei 44/2015, do 14 de outubro, de sociedades laborais e participadas.

5. En todo caso, as cooperativas ou sociedades laborais deberán acreditar a viabilidade do seu proxecto empresarial.

CONTÍA DOS INCENTIVOS

1. Por cada persoa que se incorpore con carácter definitivo a xornada completa: 6.000 € con carácter xeral.

Esta contía incrementarase nas porcentaxes que se sinalan a continuación, que son acumulables entre si:

- a) un 25% se a persoa incorporada é unha muller
- b) un 25% se a persoa incorporada ten discapacidade ou se atopa en situación ou risco de exclusión social
- c) un 25% se a persoa incorporada pertence a unha unidade familiar no que todos os seus membros están desempregados
- d) un 25 % no caso de que o centro de traballo ao que se incorpora a persoa socia estea situado nun concello rural.
- e) un 25% se se trata dunha cooperativa xuvenil
- f) un 25% se se trata dunha cooperativa xuvenil de nova creación

2. Por cada mozo ou moza incorporada como persoa socia traballadora ou de traballo a proba a subvención ascenderá a 600,00 € ao mes, por un período de entre 6 e 12 meses.

3. Cando a dedicación sexa a tempo parcial, a contía dos incentivos previstos nos puntos anteriores reducirase ao 50 %.

4. A contía máxima por beneficiaria será de 67.500 €.

CRITERIOS DE AVALIACIÓN

1. Por cada persoa incorporada como socia traballadora ou de traballo: 2 puntos se se incorpora con carácter indefinido e 1 punto se se incorpora a proba. Máximo 15 puntos.

2. Por cada persoa incorporada que sexa desempregada de longa duración: 2 puntos se se incorpora con carácter indefinido e 1 punto se se incorpora a proba. Máximo 15 puntos.

3. Por cada persoa incorporada con carácter indefinido maior de 45 anos: 2 puntos, ata un máximo de 10.

4. Por cada persoa incorporada con carácter indefinido menor de 30 anos: 1 punto, ata un máximo de 5.

5. Pola proporción de homes e mulleres que traballan na entidade, incluído o persoal de dirección, sempre que acade como mínimo un 40% de mulleres na entidade, ata un máximo de 2 puntos. A puntuación máxima obterase cando a proporción de mulleres sexa igual ou superior ao 50%.

6. No caso de que a cooperativa ou sociedade laboral teña por obxecto unha actividade comprendida nalgún dos sectores seguintes: os relacionados coa economía verde (enerxías renovables, vehículo verde, preservación ambiental), economía da saúde (servizos á terceira idade, servizos á dependencia), economía do coñecemento (TIC, audiovisual e cultura,



biotecnoloxía, tecnoloxías mecánicas e robotización) e a economía azul (crecemento sustentable nos sectores mariño e marítimo): 5 puntos

7. No caso de que a actividade desenvolvida pola empresa solicitante garde relación directa con proxectos de I+D+i: 5 puntos

8. Cando a memoria técnica e económica ou plan de empresa, prevea e avalíe especificamente a contribución da cooperativa ou sociedade laboral á mellora medioambiental dun xeito relevante: 5 puntos.

OBRIGAS

Ademais das recollidas con carácter xeral no artigos 17 e 18 da orde, as entidades beneficiarias de subvencións deste programa deberán cumprir as seguintes obrigas:

1. Manter polo menos durante un período de dous anos desde a data da resolución de concesión unha forma xurídica de entre as elixibles para resultar beneficiarias da subvención concedida, así como a actividade empresarial.

2. No caso de subvencións por incorporación con carácter indefinido: manter a persoa pola cal se concede a subvención como persoa socia traballadora ou de traballo co mesmo carácter, polo menos durante dous anos desde a súa incorporación.

No caso de subvencións por incorporación como persoa socia a proba: manter a persoa incorporada, como mínimo, polo tempo subvencionado.

En ambos casos, no suposto de baixa da persoa socia no dito período, teñen a obriga de substituíla por outra persoa. Tanto o feito da baixa como a substitución deben ser comunicados no prazo dun mes. Esta nova incorporación en ningún caso dará lugar a unha nova subvención.

3. No prazo máximo de catro semanas desde o cumprimento dos prazos de mantemento da condición de socio a que se refire o parágrafo anterior, a beneficiaria deberá presentar, respecto de cada unha das persoas polas cales se percibiu a subvención, os indicadores de resultado inmediato a que se refiren os anexos I e II do Regulamento (UE) nº 1304/2013 do Parlamento Europeo e do Consello, do 17 de setembro de 2013, relativo ao Fondo Social Europeo.

FINANCIAMENTO

Este programa está dotado con 1.458.828 euros, cofinanciados con cargo ao programa operativo do Fondo Social Europeo 2014-2020 nun 80 %.

PROGRAMA II: FOMENTO DO ACCESO A CONDICIÓIN DE PERSOA SOCIA

FINALIDADE

- Fomento do acceso á condición de persoas socias traballadoras ou de traballo de cooperativas ou de sociedades laborais

- Fomento do acceso de persoas emprendedoras por conta propia á condición de socias de cooperativas.

Este acceso facilítase mediante o financiamento das achegas económicas ao capital social que debe desembolsarse para a incorporación como socio ou socia.

PERSOAS BENEFICIARIAS. REQUISITOS

Poderán ser beneficiarias:

1. As persoas que accedan á condición de persoa socia traballadora ou de traballo dunha cooperativa ou sociedade laboral con carácter indefinido, que desenvolvan a súa actividade nun centro de traballo situado en Galicia e que, no momento da súa incorporación, cumpran algunha destas condicións:

- a) Seren persoas desempregadas inscritas como demandantes de emprego.
- b) Seren persoas socias a proba da cooperativa á cal se incorporan.

c) Seren persoas asalariadas da cooperativa ou sociedade laboral á cal se incorporan.

d) Seren persoas asalariadas dunha empresa que se transforme nunha cooperativa ou sociedade laboral, sempre que non teñan a condición de socias da empresa transformada.

e) Seren persoas socias traballadoras ou de traballo dunha cooperativa ou sociedade laboral a tempo parcial que accedan á mesma condición a tempo completo.

A incorporación poderá ser a xornada completa ou a tempo parcial. Neste caso, deberá comprender como mínimo o 50 % da xornada ordinaria.

Será necesario acreditar a viabilidade do proxecto empresarial ao que se incorpora a persoa solicitante mediante a memoria técnica e económica do proxecto empresarial ou o plan de empresa.

As cooperativas e as sociedades laborais deberán acreditar o cumprimento dos topes máximos de traballadores ou traballadoras por conta allea da Lei 5/1998, do 18 de decembro, de cooperativas de Galicia, e da Lei 44/2015, do 14 de outubro, de sociedades laborais.

2. As persoas desempregadas inscritas como demandantes de emprego que emprendan unha actividade por conta propia e se incorporen nunha cooperativa como persoas socias con carácter indefinido, con compromiso de exclusividade, para comercializar os seus produtos, obter subministracións, servizos e a asistencia técnica que precisen, sempre que teñan o seu domicilio social e fiscal en Galicia.

Será necesario acreditar a viabilidade da actividade económica que a persoa realizará por conta propia mediante a memoria técnica e económica do proxecto empresarial ou o plan de empresa.

3. Ningunha persoa poderá ser beneficiaria de máis dunha subvención das previstas neste programa. Así mesmo, non se poderá conceder esta subvención a persoas que obtivesen unha subvención para financiar a achega ao capital social de cooperativas ou sociedades laborais durante os últimos cinco anos, agás no suposto sinalado no número 1.e) anterior.

CONTÍA DAS SUBVENCIÓN S

1. Con carácter xeral:

a) Para as persoas beneficiarias previstas no número 1, letras a), b) c) e d), e no número 2 do apartado anterior: ata 6.000 €.

b) Para as persoas beneficiarias previstas no número 1, letra e): ata 3.000 €.

2. As contías sinaladas no punto anterior incrementaranse nas porcentaxes que se sinalan a continuación:

a) un 25 % se a persoa beneficiaria é unha muller

b) un 25% se a persoa beneficiaria ten discapacidade ou se atopa en situación ou risco de exclusión social

c) un 25% se a persoa beneficiaria pertence a unha unidade familiar no que todos os seus membros están desempregados

d) un 25 % no caso de que o centro de traballo ao que se incorpora a persoa socia estea situado nun concello rural.

e) un 25% se se trata dunha cooperativa xuvenil

f) un 25% se se trata dunha cooperativa xuvenil de nova creación

3. Cando a dedicación da persoa incorporada sexa a tempo parcial, a contía máxima dos incentivos previstos nos puntos anteriores reducirase ao 50 %.

4. As contías referidas nos anteriores puntos en ningún caso poderán ser superiores ás que subscriba o socio ou socia en concepto de achega de capital social e cota de ingreso, ou de accións ou participacións sociais segundo o caso, pola súa incorporación.

CRITERIOS DE AVALIACIÓN

1. Por ter a condición de persoa desempregada de longa duración: 20 puntos
2. Por ter máis de 45 anos: 10 puntos
3. Por ter menos de 30 anos: 5 puntos
4. Por estar vinculada á cooperativa ou sociedade laboral á que se incorpora ou á empresa transformada, por un contrato de traballo de carácter temporal, ou ben ser socia a proba da cooperativa: 5 puntos.
5. Por incorporación a unha cooperativa ou sociedade laboral que teña por obxecto unha actividade comprendida nalgún dos sectores seguintes: os relacionados coa economía verde (enerxías renovables, vehículo verde, preservación ambiental), economía da saúde (servizos á terceira idade, servizos á dependencia), economía do coñecemento (TIC, audiovisual e cultura, biotecnoloxía, tecnoloxías mecánicas e robotización) e a economía azul (crecemento sustentable nos sectores mariño e marítimo): 5 puntos.
6. No caso de que a actividade desenvolvida pola cooperativa ou sociedade laboral garde relación directa con proxectos de I+D+i: 5 puntos.
7. Cando a memoria técnica e económica ou plan de empresa, prevea e avalíe especificamente a contribución da cooperativa ou sociedade laboral á mellora medioambiental dun xeito relevante: 5 puntos.

OBRIGAS

Ademais das recollidas con carácter xeral no artigo 17 da orde, as persoas beneficiarias de subvencións deste programa deberán cumprir as seguintes obrigas:

1. Manter a condición na mesma cooperativa ou sociedade laboral a que se incorporan por un período mínimo de dous anos desde a súa incorporación.
2. O importe das ditas subvencións recoñecido como capital social deberá manter o seu carácter de achegas ao capital social de sociedades cooperativas, ou de accións ou participacións sociais de clase laboral, no caso das sociedades laborais, durante un período mínimo de dous anos desde que se realice a achega. Durante este período, non poderán ser obxecto de reembolso nin transmisión por actos inter vivos. Non obstante, a persoa socia que cause baixa obrigatoria poderá transmitir a súa achega a favor da persoa que se incorpore para substituíla nas mesmas condicións e ata o final do referido período, como mínimo. Esta substitución non dará lugar a unha nova subvención.

FINANCIAMENTO

Este programa está dotado con 900.000 euros, financiados con fondos finalistas do Estado.



PROGRAMA III: IMPULSO DE PROXECTOS EMPRESARIAIS COLECTIVOS

FINALIDADE

Fomentar a economía social, concedendo subvencións que faciliten a posta en marcha dos proxectos empresariais, tanto de nova creación de cooperativas ou sociedades laborais como xerados polas existentes.

BENEFICIARIAS. REQUISITOS

1. Poderanse acoller ás subvencións recollidas neste programa as cooperativas e sociedades laborais que realicen proxectos empresariais subvencionables.

Terán a consideración de proxectos empresariais subvencionables os seguintes:

- a) Constitución de cooperativas ou sociedades laborais.
- b) Transformación doutras fórmulas empresariais en cooperativas ou sociedades laborais.
- c) Lanzamento de novas áreas funcionais ou territoriais de actividade das cooperativas ou sociedades laborais existentes.

CONTÍA DAS SUBVENCIÓN S

1. Poderá subvencionarse ata o 75 % dos gastos seguintes:

a) Elaboración de estudos de viabilidade, de comercialización, auditorías e outros informes de natureza análoga, necesarios para a posta en marcha dos proxectos empresariais, ata un máximo de 1.000 € cando integren menos de 10 persoas socias e ata un máximo de 2.000 € cando integren 10 persoas socias ou máis.

b) Elaboración dos estatutos sociais e regulamentos de réxime interno necesarios para a posta en marcha dos proxectos empresariais, ata un máximo de 1.000 €.

En ningún caso se consideran gastos subvencionables os impostos indirectos.

2. As contías sinaladas no punto anterior incrementaranse nas porcentaxes que se sinalan a continuación:

- a) Un 25 % no caso de que o novo proxecto supoña a apertura dun centro de traballo nun concello rural.
- b) Un 25 % se se trata dunha cooperativa xuvenil.

CRITERIOS DE AVALIACIÓN

1. Polo emprego previsto durante o primeiro ano de execución do proxecto empresarial:

a) por cada persoa que se incorpore á cooperativa ou sociedade laboral como socia traballadora ou de traballo: 2 puntos con carácter xeral, 3 puntos se é unha muller ou 4 puntos se é unha persoa con discapacidade ou en situación ou risco de exclusión social. Máximo 20 puntos.

b) por cada persoa que se incorpore á cooperativa ou sociedade laboral como asalariada de maneira indefinida durante o primeiro ano: 1 punto con carácter xeral, 2 puntos se é unha muller ou 3 puntos se é unha persoa con discapacidade ou en situación ou risco de exclusión social. Máximo 10 puntos.

2. Pola proporción de homes e mulleres que traballan na entidade, incluído o persoal de dirección, sempre que acade como mínimo un 40% de mulleres na entidade, ata un máximo de 2 puntos. A puntuación máxima obtense cando a proporción de mulleres sexa igual ou superior ao 50%.

3. Actividades desenvolvidas en sectores estratéxicos: 5 puntos no caso de que o proxecto empresarial para o que se solicita a subvención estea comprendido nalgún dos sectores seguintes: os relacionados coa economía verde (enerxías renovables, vehículo verde, preservación ambiental), economía da saúde (servizos á terceira idade, servizos á dependencia), economía do coñecemento (TIC, audiovisual e cultura, biotecnoloxía, tecnoloxías

mecánicas e robotización) e a economía azul (crecemento sustentable nos sectores mariño e marítimo).

4. Desenvolvemento de proxectos de I+D+i: 5 puntos no caso de que o proxecto empresarial para o que se solicita a subvención garde relación directa con proxectos de I+D+i.

5. Contribución á mellora medioambiental: 5 puntos cando a memoria técnica e económica ou plan de empresa, prevexa e avalie especificamente a contribución da cooperativa ou sociedade laboral á mellora medioambiental dun xeito relevante.

OBRIGAS

Ademais das obrigas recollidas con carácter xeral no artigo 17 da orde, as entidades beneficiarias deberán manter polo menos durante un período de dous anos, contados desde a data de resolución de concesión, unha forma xurídica de entre as elixibles para resultar beneficiarias da subvención concedida, así como a súa actividade empresarial

FINANCIAMENTO

Este programa está dotado con 70.000 euros, financiados con fondos finalistas do Estado.

PROGRAMA IV: INTERCOOPERACIÓN E INTEGRACIÓN EMPRESARIAL

FINALIDADE

- Impulsar as actividades de intercooperación, realizadas de forma conxunta por entidades de economía social, especialmente os procesos de integración empresarial co fin de acadar a dimensión necesaria para mellorar a competitividade, capturar maior valor engadido e satisfacer adecuadamente as necesidades das persoas que forman a cooperativa ou sociedade laboral.

- Promover o lanzamento de proxectos de colaboración empresarial para a consecución de obxectivos comúns relacionados coa investigación, desenvolvemento e innovación, coa loxística, comercialización e internacionalización, subvencionando parcialmente os gastos necesarios para a súa realización.

BENEFICIARIAS. REQUISITOS

1. Poderán resultar beneficiarias as cooperativas ou sociedades laborais que participen en proxectos de integración ou colaboración empresarial e que se agrupen para realizar conxuntamente a súa solicitude de axuda.

No caso de proxectos de integración empresarial requirirase un mínimo de dúas entidades participantes.

No caso doutros proxectos de colaboración, requírese un mínimo de tres entidades das cales, como mínimo, dúas deben ser cooperativas ou sociedades laborais, e terán unicamente estas acceso á subvención.

2. Igualmente, poderán ser beneficiarias deste programa as cooperativas de segundo grao e as entidades que resulten dun proceso de fusión realizado no período de execución desta orde.

3. Ningunha entidade poderá figurar en máis dunha solicitude das previstas neste programa.

4. Serán subvencionables as actividades seguintes.

a) Configuración de proxectos de integración.

b) Actividades de investigación, desenvolvemento e innovación.

c) Comercialización e internacionalización.

CONTÍA DAS AXUDAS

A contía das axudas previstas neste programa non poderá superar o 75 % dos gastos seguintes:

a) Para a configuración de proxectos de integración:

) Asistencia externa para elaboración de estudios e informes: ata 15.000 €.

2) Asistencia externa para a xestión e dinamización dos equipos de traballo conxuntos: ata 1.500 €.

b) Para as actividades de investigación, desenvolvemento e innovación:

1) Asistencia externa para proxectos e estudos de viabilidade: ata 15.000 €.

2) Asistencia externa para a xestión e dinamización dos equipos de traballo conxuntos: ata 1.500 €.

c) Para as actividades de comercialización e internacionalización:

1) Elaboración de proxectos de loxística, distribución conxunta de produtos, oferta integrada de servizos, tendas cooperativas, puntos de atención e outras fórmulas de venda e atención directa ao consumidor e usuario, cos seguintes conceptos e límites:

a. Asistencia externa para proxectos técnicos e estudos de viabilidade: ata 15.000 €.

b. Asistencia técnica para a xestión de tramitación de certificacións, homologacións e rexistros de marca e patentes conxuntas: ata 5.000 €.

2) Deseño e creación de instrumentos de comercio electrónico a través da internet,

excluídos os gastos de mantemento: ata 10.000 €.

3) Deseño, tradución e produción de materiais promocionais para a comercialización conxunta (excluída a impresión de materiais ou produción de copias): ata 5.000 €.

4) Misións comerciais e presenza en feiras, mostras e congresos, cos seguintes límites:

a. Gastos de viaxe á cidade de celebración do evento, aloxamento e almorzo para unha persoa de cada entidade participante máis unha persoa do organismo intermedio: 75 € por pernoita (cun máximo de 5 pernoitas por evento) e 300 € de gastos de viaxe por persoa. Máximo 2.500 €.

b. Gastos de alugamento e loxística de salas e outros espazos e servizos inherentes, asistencia técnica para a organización de eventos e intérpretes: ata 15.000 €.

c. Gastos de asistencia externa en destino para a detección de oportunidades, realización de axendas e/ou seguimento de contactos iniciais: ata 5.000 €.

A contía máxima será de 5.000 € por cada cooperativa ou sociedade laboral participante, agás no caso de integración empresarial, que se eleva a 10.000 € por entidade, e un límite máximo global de 30.000 € por solicitude.

CRITERIOS DE AVALIACIÓN

a) pola tipoloxía de proxecto: 10 puntos cando se trate de procesos de integración empresarial, a través da fusión de entidades ou a constitución dunha cooperativa de segundo grao e 5 puntos cando se trate doutros procesos de colaboración.

b) polas entidades participantes: 1 punto por cada unha das entidades participantes no proxecto para o que se solicita a axuda, ou 3 puntos por cada unha que sexa unha cooperativa xuvenil.

c) pola proporción de homes e mulleres que traballan na entidade, incluído o persoal de dirección, sempre que acade como mínimo un 40% de mulleres na entidade, ata un máximo de 2 puntos. A puntuación máxima obterase cando a proporción de mulleres sexa igual ou superior ao 50%. Para tales efectos, dividirase a suma da puntuación obtida por cada entidade participante entre o número total delas.

d) Incidencia no contorno xeográfico no que se desenvolva a actuación: 2 puntos por cada unha das entidades participantes que teña o seu domicilio social nun concello rural.

e) Ata 10 puntos polo carácter innovador do proxecto común.

OBRIGAS

Ademais das obrigas recollidas con carácter xeral no artigo 17 da orde, as entidades beneficiarias deberán manter polo menos durante un período de dous anos, contados desde a data da resolución de concesión, unha forma xurídica de entre as elixibles para resultar beneficiarias da subvención concedida, así como a súa actividade empresarial

FINANCIAMENTO

Este programa está dotado con 120.000 euros, financiados con fondos finalistas do Estado.



galicia

Máis información

CONSELLERÍA DE ECONOMÍA, EMPREGO E INDUSTRIA

Secretaría Xeral de Emprego
Edif. Administrativo. San Lázaro, s/n
15781 Santiago de Compostela
Teléfono: 981 957 745

Xefatura territorial da Coruña
Avda. Salvador de Madariaga, 9, 1º
15008 A Coruña
Teléfono: 881 881 592

Xefatura territorial de Lugo
Ronda da Muralla, 70
27071 Lugo
Teléfono: 982 294 290

Xefatura territorial de Ourense
Avda. de la Habana, 79, 7º
32004 Ourense
Teléfono: 988 386 401

Xefatura territorial de Vigo
Concepción Arenal, 8, 2º
36201 Vigo
Teléfono: 986 817 753

<http://emprego.ceei.xunta.gal>

<http://eusumo.gal>

economiasocial.emprego@xunta.gal



XUNTA
DE GALICIA